

www.BibleForChildren.org


Metiu 1



Eme nah udu ta Elisabet asahan bun onoh badeh,
Kindrei suni angelo Gabiriyel ja, ili kon Nasaret, udu
loboho Galili. Iy anya katiye sahou ta tandrakan ari,
anya ki ta badih ari bakohok mwan bwe le, san tan ndra
ta ndramak ari nyaran Josep. Ya Josep doh, badu boho
kamen ta kabin Debit oro. Ya nyara badih doh, Mariya.



Eme angelo dah anya, “Mariya, ou sanoh. Kindrei badeh, sekesekek tam handru. Idah kameh, ou tuwi nah mwan ari ere ndrinem, eme ou tondrohani nyaran ki Jises. Iy kameh asahan ndramak tinan, ma idah kameh aloh iy Nadu Kindrei udu loken labai. Laban Kindrei kameh mesekei iy asahan kabin, i buku none tubun Debit mene, ma idah kameh iy asahan kabin ta atondrok lundriye Jekop oro, udu le buku doh; ma tondrok tan kameh winiyan bano bwe!”



Eme Mariya tiye i ta angelo, “Jo badeh, bakohok ari mwan bwe. Idah kameh ki buku sah handru?” Eme angelo dah anya, “Malawin Ndrabun kameh ewek la-um, ma hawe boto-on ta Kindrei ewek la-um. Ta katin doh le, nah doh kameh i ndrabun ma aloh iy Nadu Kindrei.”



Ano udu hamon ja, Mariya alokou iy, ano iy edek suwi iu ili bolo ndrondro-ou, badu kon tinan ili kon ari udu bolo Judiya. Iy ma sekesekek tan edek iu ili bolo asiu ta Sekaraya atou Elisabet. Eme Elisabet anuhun sahou sekesekek ta Mariya, ma nah udu ndrinen nyokolokon.




Eme Elisabet idih na Malawin Ndrabun, ma iy asehek sahou boto-on anya, “Ou badeh, nyosowan tam, sakalawi nyosowan tiri badih mari, ma nyosowan ki la-u nah, na len ou kameh adeu iy eme len!”




Idah sare Jises Kraiss eme asahan. Tinen Mariya san tan ta tasou ili ta Josep, arile bwena turu, uru bala tasou bwe le, Mariya badeh ndratanan iy kameh tuwinah ari na boto-on ta Malawin Ndrabun.


Josep badeh iy ndrarak ari ta amekes kandriyen mwasin, arile iy bwalen ta asehek Mariya eme lewan ta lau mari sanuhun; eme ma iy amekes budon ta iy kisan tasou turu ki-iu kamunum le.



Arile iy abudon kahis le badeh, angelo ari ta Kindrei asahan ta Josep udu bolo ameh ya asehek i buku doh, “Josep nadu Debit, ou sanoh ta akohok Mariya ewek udum. Tasah, na boto-on ta Malawin Ndrabun Mariya susune nah. Iy kameh tuwi nah mwan, ya ou kameh tondrohani nyaran Jises, tasah iy kameh sebenei iri lau ta karei ma lomondra



Ya Josep amak eme loken, iy andrei Mariya i udun, i buku none sahou angelo ta Kindrei ndrasedhek tan ta amekes. Arile, iy bamadin hawe udun bwe winiya len ta Mariya atehei nadun mwan. Eme ya Josep tondrohani nyaran Jises.



Na len doh Sisa, ndramak ta atondrok nyaran Akustus,
suni sahou i tiri lau mari badu bahandra tondrok ta
Rom katorou nyara iri, ma
kondrek kane iri lau. Eme
iri lau mari ala
kon tinan ta
tubu iri ari ari,




adeu nyara iri.



Eme Josep badeh, udu kon tinan Nasaret. Kon doh udu bolo Galili, eme Josep ili. Ano, iy ili lobocho Judiya ma ili kon tinan Betlehem.

Kon doh mene adeu Debit udu aliy.



Eme Josep ili doh, tasah iy badu boho kamen ta Debit.
Iy mene, iri amekes san ta Mariya i tan. Eme uru ala
doh ta adeu nyara uru.
Arile Mariya badeh,
nah udu tan.



Eme uru ado Betlehem
are gwek le badeh, ben
asahan ta Mariya anya
kedeu nadun.



Eme uru ala, iy atehei nadun udu bolo asiu tiri bulumakau. Iy mwan, su-i iy na kolau, ma nyahani iy udu bolo bwekei ta ndrahu nyamon tiri bulumakau, tasah oro badeh, ari asiu ta ala aliy bwe.



Ya eme, oro lau rayah ta atondrok iri sipsip badu kon
doh, atondrok iri sipsip an lobwidiu na ben. Eme
angelo ari ta Laban badu loken eme
asahan hawe oro, ma

lomadan ta
Laban
lomatani oro.
Eme ya oro

anoh andra-i labai.



Arile angelo dah, tiye i toro, "Ado sanoh! Ado kanuhun!
Jo eme dah ta tiye nyala ado ta sahou mwasin, ma
hawe idah kameh amekes lau mari
kameh sekesekek tinan labai.

Na len dah,
udu kon
tinan ta Debit,
nah ari ta
seben ado


ndrasahan.
Iy badeh, Laban
Krais!"




“Kalem ta aliy kameh ado atanan iy handru i buku doh: Idah kameh ado atou nah doh kameh su-i iy na kolau, ma nyahani iy, udu bolo bwekei ta ndrahu nyamon ta bulumakau.”



Eme nawin bwe, iri angelo solo-an labai
badu loken ame have angelo ari nane
dah, ma iri ayah wari ta atudun nyara
Kindrei i buku doh, . . .




...“Lomadan ki ta Kindrei, udu loken labai
bwele-e kandrah, Ma mondrei udu
bwele-e munyak i toro are iy aseken
oro labai, ado mwasin ta
madan.”



Ano iri angelo au a len ta mada oro, ma iri au ala kandrah. Eme ya oro lau ta atondrok sipsip ame, ndremenya oro ari ari anya, “To ka-au kala Betlehem, kanyolom lakou nane Laban asehek ta to.”




Eme ya oro suri oro suwi suwi, ma oro ala takaleh, ma atou Mariya uru Josep, ma anyolom nah nane dah, amadin udu bolo bwekei ta ndrahu nyamon ta bulumakau.



Eme oro lau ta atondrok iri sipsip
anyolom iy. Ano oro asehek i tiri ta nyala
nah nane dah mene angelo asehek i toro.




Hamon ta Jises
ndrasahan udu
Betlehem udu bolo
kon tinan Judiya,
udu bada len
ta kabin



Herot, oro lau ta tanan badu lobo
ho an eme loke ame Jerusalem, ma
oro ndremenya, “Iy nah nane
ndrasahan ma iy kameh asahan
kabin tiri Juwis, iy ndraheh?”





“Aso anyolom ndrau tan anya
udu lobo ho mada an eme
loken, eme ma aso ame dah ta
atudun iy.”



Ano Herot aloh oro lau ta tanan nane amunum le ame, ma iy ndremenya oro ta len amwenen ta ndrau asahan. Ano iy suni oro ala Betlehem, ma iy tiye i toro i buku doh, “Ado kala kasilah kamwenen ta iy nah badeh. I buku none ado ala silahei iy, sahou keme tek ja. Ya jo ale, anya kewek katudun iy.”



Oro anuhun sahou ta kabin Herot, ano ma oro au, ya ndrau mene anya udu lobocho an eme loke, ili ja anya udu bwena toro ili udu bwele-e kon amwenen iy nah dah asahan udu aliy.



Oro ame asos asiu, oro atou nah dah udu hawe tinen
Mariya, eme ya oro atehei bwili ndr-u oro I
andri, ma atudun nadun. Ano oro
aseh kohei kohoya luk toro,
ma adeu gol hawe suluw ta
amekes kasu-er ili manahun
mwasin, ma
hawe kei ta
suluw aloh mer.



Na ben oro amadin ma oro ameh Kindrei batanau oro
sala hamon ja sala hawe kabin Herot, oro kala
hamon kala kon toro kala san
rasan ja.



Udu bada len oro anya ka-au le badeh, angelo ta Kindrei ari eme tiye ta Josep udu bolo ameh na ben. Iy tiye i buku doh, “Ou amak! Ou andrei iy nah have tinen, ma ado katobwak ka-au kala Ijip. Ado kado gwek winiya jo le baratiye ou, tasah Herot kameh

asilah iy nah dah ta idi iy kimek.”




Josep amak eme loken iy
andrei iy nah dah hawe
tinen ma oro atobwak na le
ben au ala Ijip. Iy udu gwek
winiya le kabin Herot imek,
ma idah mesekei sahou
asahan handru ma
amwenen le i buku
Laban ndrasihidiy i ta




propet: “Jo aloh naduk
eme len ta Ijip.”



Herot i tanan oro lau ta tanan
badeh, ndrawendreyani iy.
Eme ma iy ibolosen handru
ma iy atehei sahou boto-on i
tiri lau ta bahun tan ta kadai iri
nah mwan mari badu
Betlehem.



Iri nah doh ala jaha tiri udu
kalama jaha la-uh eme andri.
Iy atehei sahou ta adai nah
mwan mari kamak, amwenen
ta len iy i tanan ma iy seleyani
oro lau ta tanan.






Hamon ta Herot imek, angelo
ari ta Kindrei asahan ta
Josep udu bolo ameh udu
Ijip, ma iy tiye i buku doh:
“Ou amak, ou andrei iy nah
kede-eh hawe tinen,
ado ka-u kala hamon
kamanyah kado munyak
Isra-el. Oro lau mene
anya

kanone kadai iy nah dah
kimek, oro ndramak.”




Arile Josep anuhun
Akela-us ja badeh,
atondrok Judiya, ma
iy akohok ndrahune
taman Herot.



Eme ma bwidi
iy inoh ta ili lobocho doh.
Arile, udu bolo ameh ta Josep,
Kindrei batanau iy ta oro ka-au kala lobocho Galili.
Eme ma iy ili manyah udu kon ari aloh Nasaret.






Ya sahou dah
asahan ma amwenen
le i buku le iri propet ndrasihiy:
“Idah kameh iri aloh iy lau badu Nasaret.”



Sahou doh handru, tasah Kindrei aso-ok
taha lau marakon badu kon munyak tinan
labai. Iy eme tikisi taha, ma iy atehei nadun
mwan ari le eme tataha. Buku are lau iy
atehei budon handru in tan, iy kameh
winiyan bamak bwe, ma kohan handru
kameh ta udu le buku doh.



Rom 3:23

Tasah, taha mari badeh, ta amekes kandriyen ndra-in, ma taha asahan i le randra. Taha ataras mara-ei ta kalem mene Kindrei atehei ma taha winiyan bala bolo lomadan tan bwe.

Rom 6:23

Tasah, sihine karei ma lomondra ndra-in badeh, imek le. Arile, Kindrei edeu ndramas laleyah i ta lau badeh, kohan ta udu le buku doh i san ta Laban Jises Krai le.

Hiburu 9:27

Lau marakon kameh amak san rasan le, ano kameh iri asahan ta len ta sahou.



Epesus 2:8,9 Lakou doh, aha amwenen mene bamekes bwe. Kindrei edeu laleyah ewek taha. Aha mene atehei le budon handru in ta Krais, ma na so-ok ta Kindrei le amwenen, iy andrei aha ame hamon ja. Idoh winiyan basahan bala buku ndramas ta gok nane aha amekes, bwe. Eme ma, ari mwan o badih winiyan batudun nyara iri amwenen bwe, ma anya, “Jo le amwenen ibo gok, ma jo asahan mwasin ta budon ta Kindrei, ma iy andrei jo eme hamon ja.” Idoh sahou ta wasai!

Rom 10:9,10 Ya, i buku none ou asehek na bohomo eme lewan anya, “Handru, Jises badeh, iy Laban,” ma ou atehei budon tam handru na ndrinem katiye ta Kindrei badeh, mete-ei Jises ta imek handru, idah kameh, iy akohok ou ame hamon. Tasah, ou badeh, atehei budon tam handru na ndrinem, ya eme Kindrei aloh ou mwasin mara-ei ta madan. Ma ou asehek sahou na bohomo eme lewan, ma eme iy akohok ou ame hamon.



Jon 3:16,17

“Sahou doh handru, tasah Kindrei aso-ok taha lau marakon badu kon munyak tinan labai. Iy eme tikisi taha, ma iy atehei nadun mwan ari le eme tataha. Buku are lau iy atehei budon handru in tan, iy kameh winiyan bamak bwe, ma kohan handru kameh ta udu le buku doh. Kindrei atehei nadun eme andri bolo kon munyak ta edeu ndramak ari, ari ala ta mada sahou, bwe; iy eme ta akohok taha ado ta bolo kandriyen ndra-in ame hamon ja.



1 Jon 5:11-13

Ya sahou handru Kindrei asehek i buku doh: Iy ndramesekei san ta taha ta akohok kohan mwasin ta udu le buku doh. Ya san ta akohok kohan mwasin ta udu le buku doh badeh, asahan ta gok, nadun mene ndramesekei ereu ta kei tondreh. Are lau ihis hawe Nadu Kindrei, iy ndrakahok kohan mwasin ale winiyan bano bwe. Arile, are lau bahis hawe Nadu Kindrei bwe, iy winiyan bakohok kohan mwasin ta ereu le buku doh, bwe. Jo atorou ewek taha, ta aha katanan, buku aha ndrakahok kohan mwasin winiyan bano bwe. Ou are lau ale atehei budon tam handru in ta Nadu Kindrei en.



Metiu 1-2; Luk 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter, Sarah S.

Nyindrou Bible (lid) © 2001, Wycliffe Bible Translators, Inc.
All rights reserved.

<https://live.bible.is/bible/LIDWBT/MAT/1>

©2026 Bible for Children, Inc.

www.M1914.org

www.bibleforchildren.org

